



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 131. Cardinales a Felice creati.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. CXXX.

Sæcul. XV.
A.C. 1440.*Felix a multis Principibus agnitus.*

Interea Felici tanquam legitimo Pontifici adhæserat Elisabetha Hungariæ Regina, relicta Alberti Imperatoris vidua, præter Albertum Bavarie Ducem, & alterum ejusdem nominis Ducem Austriae, quorum uterque Fridericum Cæsarem sanguinis affinitate contingebat. Parisiensis itidem Academia, necnon Germaniæ, & Cracoviæ Universitates Felici favebant, variisque scriptis in lucem editis Basileense Concilium defendendum suscipiebant. Præterea quidam ex Ordine Carthusiano Felici accesserunt; Itali enim, ac ceteri ex vicinoribus Provinciis Carthusiani suorum confratrum defectionem condemnantes semper Eugenio fideles perstiterunt.

Acta Patris.
to. 13. Conc.
art. 116. §
113.
Æn. Sylv.
Europ. t. 42.

§. CXXXI.

Cardinales a Felice creati.

Felix factionis suæ numerum aucturus, quinto decimo Octobris die octo diversarum Nationum, in mense vero Novembri ex Gallis sex creavit Cardinales. Horum primi erant Alexander Aquilejensis Patriarcha tituli S. Laurentii in Damaso; Otho Dertusensis Episcopus tit. S. Po-

Sæcul. XV.
A. C. 1440.

S. Potentianæ; Georgius Episcopus Vercentinus tit. S. Anastasiæ; Franciscus Genevensis Episcopus tit. S. Marcelli; Bernardus Episcopus Aquensis tit. SS. Nerei & Achilei; Joannes Argentinenſis Episcopus tit. S. Sixti; Joannes Vicarius Frisingensis, tit. S. Martini ad montes; Joannes de Segovia tit. S. Calixti: Gallos vero, quos creaverat, non nisi die duodecima Novembris publicavit, nimirum Nicolaum Tudeschi Panormi Archiepiscopum, qui vulgo Abbas Panormitanus vocatur; Dionysium Patriarcham Antiochenum, Episcopum Parisiensem; Amadeum Archiepiscopum Lugdunensem; Philippum Turonensem Archiepiscopum, unacum Joanne Nannetensi Præsule, & Gerardo Albiensis Caſtri Episcopo, qui Galliarum Regi a confessionibus erat.

§. CXXXII.

Felix ab Anglis & Scotis pro Antipapa habitus.

Etsi vero quidam Principum, & Prælatorum Germaniæ Felici favere crederentur, reapse tamen in Moguntino Conventu anno posteriori celebrato præter omnem expectationem Felix eosdem sibi minus propitios expertus est, cum ibidem unanimi omnium consensu decerneretur, Neutralitatis, ut vocabant, viam esse